



SIUMUT INATSIARTUNI ILAASORTAATITAT / LANDSTINGSGRUPPEN

19. aug. 10

Inatsisartut suleriaasianni § 36 imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquutit nunatta aaqqissugaanerani nakkutilliineq nunallu ilaannik ineriartortitsinissamut iliuusissaq pillugu

(Inatsisartuni Ilaasorta, Aleqa Hammond, Siumut)

Tunngavilersuut:

Siumup ataani ataatsimut sammisalerlugu apeqquutit aallaavigalugit Naalackersuisut suliffissaqarnermut-inuussutissarsiornermullu siuarsaanissaq pillugit suliniutaat sammerusuppai.

2011-imi Aningaasaqarnermut Inatsisissamut siunnersuummut nalinginnaasumik nassuiaatini allaassimavoq, "Aningaasanut inatsit aningaasaqarnermik pilersaarusernerup ataqatigiinneranut, piffissamut ungasissumut isigaluni aammalu isumannaatsumik ingerlanneqarsimaneranut takusutissaassaaq", soorluttaaq "Anguniagaq tassaavoq inuiaqatigiit aningaasarsiornermik pitorsarsimassutsikkullu ineriartortut aningaasaqarnermik naalackersuinikkullu pituttugaajunnaaraluttuinnartut." Taamatuttaaq "Inuussutissarsiornermut tunngasuni suliffissaqarfik aammattaaq suliniutinik aallartitsiviussaq kissaatigineqartutut ineriartortoqarnissaa ikorfartorniartarlugu."

Aammattaaq 2011-imi Aningaasaqarnermut Inatsisissamut siunnersuummut nalinginnaasumik nassuiaatini allaassimavoq, "Nunaqarfiit aningaasaqarnermik atugarisaat ataavarnissamullu tulluassusiat pilersaarusernermik tunngavissapput".

Taanna "Nunap immikkoortuini ineriartortitsinissamut iliuusissat" ineriartortinneranut aallaavissivoq.

Nunap immikkoortuini ineriartortitsinissamut iliuusissat

Soorlu Inuit Ataqatigiit, Demokraatit Kattuseqatigiillu Partiiata Naalackersuisooqatigiinnermi isumaqatigiissutaanni allasimasooqartoq takorluugaraat ataatsimoorluni anguniagaq tassaasoq inuiaqatigiit kikkut tamarmik pisariaqartinneqarfigisaasa inissaqartinneqarfigisaasalu pilersinnissat. Taamatuttaaq Innuttaasut oqaloqatigalugit suleqatigalugillu inuunermut ataqatigiiffiusumut tunngavissat pilersinneqassasut, kikkut tamarmik ineriartortitsinissaat imminnullu pilersorlutik inuuffigisinnassat.

2009-miit 2013-imut Naalackersuisut suleqatigiinnissaannut isumaqatigiissutaanni 10. juni 2009-mi atsiorneqarsimasumi oqaatigineqarportaaq, "Namminersoneq nukittoq imminut napatissinnaasumik aningaasaqartoq suliffissaavoq kikkut tamarmik peqataanerisigut aatsaat piviusunngortinneqarsinnaasoq. Naalackersuisut inuussarsiornermik ineriartortitsinikkullu politikki nutaaq siunnersuutigaat, ima ilisarnaateqartillugu: **"Illit najugaqarfiit –illit toqqaanerit"**

Nunap angissusaata inuillu najugaqarfeqarnerisa ilusaata nassatarivai atugassarititaasut periarfissallu assigiinngitsuunerat. Naalackersuisut kissaatigaat sumiiffinni ataasiakkaani innuttaasut nunap



SIUMUT INATSISARTUNI ILAASORTAATITAT / LANDSTINGSGRUPPEN

immikkoortuani sumiiffinnilu ataasiakkaani aaqqiissutissanik tulluuttunik pisariaqartitallu aallaavigalugit inerisaanermut peqataatinneqarnissaat.

Imminut pilersugarinissamut atatillugu nunaqarfiit - uagut nammineq tunisassiatta siammaannissaannut naleqqiullugu – pingaarutilimmik inissisimapput. Nunaqarfiit aningaasaqarnikkut atugarisaat ataavarnissamullu tulluassusiat pilersaarusoqqinnermi tunngaviussapput.”

1. Naalackersuisut qinnuigaaka KANUKOKA, KANUNUPE Kommunillu qanoq annertutigisumik iliusissatut pilersaarusernermi akuutinneqartiginersut nassuiaatigeqqullugu.
2. soorlutaaq Naalackersuisut piumaffigigikka iliusissatut pilersaarusiap killiffianik nassuiaaqqullugit
3. tamakkiisumik piffissalersuineq- pilersaarutillu nalunaarsorsimaneranik nunap immikkoortuinut ineriartortitsinissamut iliusissaq uannut paasissutissatut nassiunneqarnissaa kissaatigaara

Aaqqissugaanermik nakkutiginninneq

Ilanngullugu Naalackersuisut Naalackersuisooqatigiinnermut isumaqatigiissutaanni allaqqavoq, ” Naalackersuisut innuttaasut qanoq ilusinikkiartornerannik, inuussutissarsiornikkut suliffeqarnikkullu ineriartornermik, pisinnaasat ineriartortinnerinik il.il. nakkutilliinerit inerisarumavaat, Namminersorneq pillugu isumaliutissiisummi allaaserineqartutut. Unamminartut aqqusaagassavut pillugit ataatsimoorullugu ilisimasaniq tunngaveqarnerup, periarfissallu pillugit ilisimasaqarnerunerup, iluarsartuusseqqilluni suliasanun pingaarutilinnut atatillugu isumaqatigiinneq annerusoq eqqissillunilu sulisinnaaneq pilersitseqataaffigissavaat.”

1. Siumup paasissutissinneqarnissani kissaatigaa, qarasaasiami paasissutissanun atortut sorpiaat Naalackersuisunit maannamut atornerqarnersut aaqqissugaanermik nakkutiginninneq naammassiniarlugu.
2. Naalackersuisut iluaqtissatut– teknikkikkullu suli periarfissaasutut suli isiginerlugu sulisoqarner pillugu qarasaasiami paasissutissap Suliaq’p atornerqarsinnaanera?
3. Naalackersuisunit nalilerneqarpa aaqqissuulluakkamik nunap immikkoortuinut ineriartortitsinermi iliusissamik suliaqartoqarsinnaasoq, iliusissaq taanna qarasaasiami paasissutissanik pigineqareersunit kiisalu ingerlatsinermik nakkutilliinerup tunniussaaniq paasissutissanik tunngaveqanngikkaanni?

Kalaallit Namminersorneq pillugu isumalioqatigiissitaata isumaliutissiisutaanni allaqqavoq, “Aaqqissugaanerup nakkutigineranut ataatsimut isigalugu anguniagaasoq imatut oqaatigineqarsinnaavoq:

Unammillernartussat ajornartorsiutillu sulisoqarnermut sunniuteqarsinnaasorisat sunaassusersinissaat naalackersuisuniit arlaatigut akuliuffigineqartariaqartut. Tamatumani saniatigut akuliunnissaq tunngavissikkumallugu naalackersuinikkut ingerlatsinermi anguniagassat periusissallu ilusilersorsinnaanerat.

Namminersorneq pillugu Isumalioqatigiissitap innersuussutigaattaaq Aaqqissugaanerup nakkutigineqarneranut makkua ilaasinnaasut:

- Suliffeqarnermut ilinniartitaanermullu tunngatillugu aalajangersimasumik akuttussusilinnik naliliisarnissaq, tamatumani ilanngullugit pilersillugit



SIUMUT INATSISARTUNI ILAASORTAATITAT / LANDSTINGSGRUPPEN

- piffissami pineqartorpiani tutsuviginartumik suliffeqarneq pillugu naatsorsoqqissaakkat, tamatumani ilanngullugit sulisussat, sulisut, suliffeqanngitsut, akissaatit isertitallu kiisalu piginnaasat il.il. pillugit naatsorsoqqissaakkat.
- piffissami pineqartorpiani tutsuviginartumik ilinniartitaaneq pillugu paasissutissiorneq, tamatumani ilanngullugit ilinniagaqartut, taamaatiinnartartut naammassisullu il.il. pillugit naatsorsoqqissaakkat.
- Suliffeqarnikkut ilinniartitaanikkullu ingerlatsinerup immikkoortuisa ataasiakkaat nalilersortuarnissaat.
- Sumiiffinni ataasiakkaani suliffissarsiuussisarfiit ilinniarfiillu nalunaarutinik nassiussuiuarnissaat.
- Inuussutissarsiutillit sulisussanik piukkunnaatilinnik piumasqaqartarnerat tunngavigalugu suliniuteqarfinni tamani anguniakkanik angusanillu aqutsineq.
- Aningaasaliissutit iliuutsillu anginerusut tamarmik kingunerannik nalilersuisarneq (taakkununga ilanngullugit aningaasaliissutit angusallu pillugit paasiniaaqqissaarnerit).
- Sutigit tamatigit pitsaassutsip naammassisaqarsinnaassutsillu killiffiata ineriartorneratalu imminnut sanilliussortuarnerat nunatsinni pissutsit tunngavissallu nunanut allanut imminnut sanilliussortuarneratigit (assersuutigalugu Issittup Nunataani sumiiffiit imminnut aqutarisut).

Matuma siuliini taakkartorneqartut isumaqarfigineqarsinnaapput annertoqisut aammalu aningaasanik sulisunillu kinguneqassaqisut, kisiannili nunani allani misillitakkat takutippaat aqqissugaanerup nakkutigilluarnera sakkussaalluortoq suliffeqarnermi ilinniartitaanermilu naalakkersuinikkut ingerlatsinerup nunani unammilligaasunisut minnerpaamik pitsaatiginissaata anguniarneqarnerani.”

1. Siumup paaserusuppa Naalakkersuisut isumaqataanersut aqqissugaanermik nakkutiginninneq aallaaveqartariaqartoq periusissatut tunngavigineqartussatut Naamminersorneq pillugu Isumalioqatigiissitap innersuussutaaneersut naapertorlugit
2. Taamatutaaq Naalakkersuisut piumaffigissavakka nassuiaatigeqqullugu aqqissugaanermik nakkutiginninneq Namminersorneq pillugu Isumalioqatigiissitap innersuussutaa naapertorlugi ingerlanniarneqarnerisq.
3. Illuatungaaniilli Namminersorneq pillugu Isumalioqatigiissitap innersuussutaa naapertorlugi naammassiniarneqanngippat, Siumumit piumasarissavarput Naalakkersuisut tunngavilersorluarlutik nassuiaanissaat, soorluttaaq Naalakkersuisut piumaffigivut nassuiaatigeqqullugu suut aalajangiinermi tunngavilersuutigalugit allatut iliortoqalersaarnersq.

Suliffeqarnermut suliniutaasunik nakkutilliineq

Taamatutaaq Naalakkersuisut pisussaaffigaat Suliffeqarnermi innersuussisarneq il.il. pillugit Inatsisartut peqqussutaat nr. 10, 18. december 2003-meersoq naapertorlugi ukiumi qaangiuttumi suliffeqarnermi



SIUMUT INATSISARTUNI ILAASORTAATITAT / LANDSTINGSGRUPPEN

suliniutaasut aamma piffissami aggersumi anguniagaasut taamatuttaaq malitseqartitsinissat aallartinneqassanersut pillugit ukiumoortumik nalunaarusiortassapput.

1. Naalackersuisunit paasissutissiissutigineqarnissaa kissaatigaara, nalunaarusiat qulaani peqqussut naapertorlugu qassit 2003-miit suliarineqarsimanersut?
2. Naalackersuisut isumaqarpat ukiumoortumik nalunaarusiortoqanngitsoortoqarsimasinnaanera Suliffeqarnermi innersuussisarneq il.il. pillugit Inatsisartut peqqussutaat nr. 10, 18. december 2003-meersoq naapertorlugu aalajangiussanut tulluuttoq?

Kissaatigaara apeqqutit ullut qulit suliffiusut iluanni akineqarsimanissaat